

supra, verbo, Absolutio, & Capitula Prouincialia, & infra, hoc titulo, in Conclusionibus. Multa enim & varia ad hoc sunt Mendicantium priuilegia.

¶ Octauum dubium est : Approbatus in vno Episcopatu ad audiendas confessiones, an possit virtute Bullę Cruciatę in alio Episcopatu eligi in confessorium, absq; noua approbatione huius Episcopatus? Verbi gratia : an penitens Archiepiscopatus Mexicanensis qui hic Mexici confiteri vult, possit virtute dię Bullę eligi in confessorium approbatum per Ordinarium de Tlaxcalla hic existētem, non tamen per Mexicanensem approbatum, nec reprobatum? De hac difficultate duplex est opinio. Prima affirmatiua, videlicet, q̄ confessor approbatus ab vno Ordinario virtute Bullę possit eligi in confessorium in alio Episcopatu, licet ab Ordinario huius Episcopatus non sit approbatus : ita quod approbatio vnius Ordinarij sufficiat, vt eligi quis possit in Confessorium virtute Bullę, in quibuscunque alijs Episcopatibus, absq; alia approbatione. Hanc sententiam inuentur, & de-